


中國方志叢書·華中地方·第五〇九號

據
清·洪若臯等纂修
清康熙二十二年刊本

影印

浙江省

臨海縣志



5/27/05
成文出版社有限公司印行



中國方志叢書·華中地方·第五〇九號


據

清·洪若皋等纂修
清康熙二十二年刊本

影印

浙江省

臨海縣志



5/27/05

成文出版社有限公司印行



10101717

中國方志叢書·華中地方·第五〇九號


據

清·洪若皋等纂修
清康熙二十二年刊本

影印

浙江省

臨海縣志



5/27/05
成文出版社有限公司印行



10101718

臨海縣志序

史氏流別厥名有十其五曰
郡書九曰地理卽今郡邑之
志也地理者如盛宏荊州記
常璩華陽國志辛氏三秦羅

含湘中皆載一郡一邑之地
理至郡書則周稱之陳留者
舊周表之汝南先賢陳壽之
益郡耆舊虞預之會稽典錄
槩以人物爲重凡以人物者

氣運之成衰人心之邪正風
俗之澆淳胥於是乎寄非淺
鮮也臨邑少陽分區牽牛列
宿金鰲玉峴靈江石湖之所
孕毓人文挺生立朝標譽謬

之風分符著旬宣之績文章
理學闢聖域而抉賢關卽一
行之士潔身清操志懷霜雪
孝子列女百行敦原一醮守
節幾幾乎陳雷汝南益郡會

稽諸耆舊遺風獨志書自明
嘉靖己亥經今一百四十餘
年闕焉未修鄉達洪虞隣先
生讀禮家居銳意修舉適逢
今上右文有纂修通志之行旣

因兵變止而復興始癸丑終
癸亥時經十載先生服闋例
應補官迺優游林下著書滿
屋殫心邑乘窮搜博採其間
沿革疆域廣輪形勢星野山

川戶口田賦河渠之要略與
夫風俗人物官師選舉灾禱
兵變之錯陳如掌螺如眉列
簡而必該富而不繁暨藝文
奏疏序記詩賦之類皆前志

所未有無逸不收無幽不聞
自非才具三長曷克臻此至
讀其序述論贊無論輿地建
置等之各有分門要皆以人
物爲主於美刺貞淫之故不

啻三致意焉先生爲人簡直
剛方故其立意發言務在表
章先正以挽氣運正人心敦
風俗爲兢兢是卽古賢郡書
之用心非復地理諸志記所

得而擬也予因之有所感矣
志書或數十年百年而一修
類皆襲舊綴新輒易舊志而
爲新志俾先輩之苦心精意
不傳夫班孟堅易史記八書

而爲十志天漢以前皆史記
之文天漢以後則孟堅之所
自著然史記自史記漢書自
漢書未聞廢史記而獨畱漢
書也先生此書潛精積思發

凡不資故牒表正獨出新裁
鎔摹經史自成一家言後之
有志修舉者宜自續成一書
俾先生此志永垂千古則予
之願也先生寓武林久刻成

此書予以公務至省讀而悅
之因先生之請遂爲序焉時
康熙二十二年癸亥仲冬

賜進士奉政大夫浙江等處提
刑按察使司分巡台海道僉

事鄭端撰

